



Naša misija je nadahnuti, motivisati i osposobiti mlade da prepoznaju svoje vrijednosti i talente kroz sport, obrazovanje i kulturu.

Akademija Izvrsnosti Bosne i Hercegovine

(Excellence Academy, osnovana 2015. god.)

VJESNIK 2018

Mart 2019.

Popločavanje puta za Svjetlu budućnost...

Uvodna riječ osnivača Akademije

Dragi Prijatelji,

Čast mi je da mogu zajedno sa Vama proslaviti naš drugi, godišnji Vjesnik (2018) koji smo nazvali "Popločavanje puta za svjetlu budućnost."

Zahvalan sam Vam na podršci i povjerenju kroz ulogu mladog ambasadora (Young Ambassador/Young Change-Maker - YCM) i kao reprezentativcu Bosne i Hercegovine u brzom klizanju.

Gostovanje na OI 2018 uz poziv Predsjednika MOK mi je otvorilo dodatnu mogućnost da mogu upotrijebiti Sport kao sredstvo za podizanje svijesti o zdravlju, kvalitetnom obrazovanju i značaju različitosti kultura.

Ovdje, ispred Akademije Izvrsnosti, želim podijeliti sa Vama ono što smo uspjeli ostvariti zajedno !

Ispred mladih ambasadora širom svijeta, u ime mladih Bosne i Hercegovine primite zahvalu, srdačne pozdrave i najljepše želje u 2019. godini.

S poštovanjem,

Edin Branković, M.Sc.



"Udružimo snage da kroz sport učinimo svijet boljim mjestom za život."
(Predsjednik MOK, Gosp. Thomas Bach na Samitu Mladih, Tokyo, 2018)

Ostvarenja u 2018. god.

Mi smo

- Organizovali događaje, radionice, predavanja (str. 2)
150+ direktno uključenih
- Pratili naše Alumnije (str. 2, 3)
1 Alumni konferencija
- Predstavljali širom svijeta (str. 4)
3 kontinenta
- Utemeljili Brend (str. 3, 4)
7.000+ povezivanja na društvenim mrežama

Specijalni intervju (str.2)

« Ostanimo osnaženi ! »

Možete li nam reći šta ste vidjeli 2015. a šta sada vidite u 2018. godini?

Počeli smo dizajnirati program «Young Change-Maker+» 2015. god. U 2016. smo imali 11, 2017. 19 projekata, a sada imamo 42 projekta. Zsigurno, mnogo smo pobudili interesovanja unutar MOK, olimpijske porodice i, općenitno, olimpijskog pokreta. Na početku kao da smo bili u anonimnom balonu, poput *start up*-a. Od foruma «Olimpizam u akciji» (oktobar 2018) u Buenos Airesu dobili smo veliki momentum i veliku prepoznatljivost jer je opći doprinos mladih ambasadora (YCM) prepoznat. Najbolji pokazatelj je to što je Predsjednik MOK nominovao sedam YCM da budu u Predlagačkom tijelu MOK na Forumu. Josefina (24 godine) iz Čila je bila predsjedavajuća s članu MOK-a John Coatesem.

Prije Omladinske olimpijade (Youth Olympioic Games – YOG) 2014 došli ste na ideju za novu riječ «ins-power»...

Oduvijek sam gajio ljubav prema komunikaciji, literaturi, snazi riječi, govoru i sloganima. Vrlo je važno da pažljivo odaberete način prevođenja ideja na papir, video itd. Razmišljao sam kako da prenesem svrhu YOG - a kao «tvorince promjene života», tj. ko god da prođe kroz YOG ne bi trebao ostati istog iskustva prije i poslije. YOG treba da bude u isto vrijeme nadahnjujući i osnažujući u isto vrijeme. Tako sam dizajnirao ovaj lanac vrijednosti (*ins-power: inspire-empower*) u kojem vidim različite nivoe uključenosti mladih i zagovornik sam da sa tim treba ići što je dalje moguće. To je ono što je smisao YOG-a, nadahnuti i osnažiti kod mladih talente koje svako od njih nosi. To je zato što ovo nadahnuće ide i više od samog sporta i sportskog nastupa.

Kako vidite mlade ambasadore, koje pouke druge organizacije mogu uzeti?

MOK može biti primjer u svijetu sporta i širiti ovaj «pozitivni virus». Mislim da smo dobili veliki pogon podrškom Predsjednika MOK-a. Ovaj vid rada je važan također za akadmsku zajednicu, politiku, biznis. Vidimo da i druge organizacije poput Svjetskog Ekonomskog Forumu vide značaj mladih.

PHILIPPE FURRER –
Voditelj programa “Nauči i
Dijeli” i
KATE SOLE –
PRM programa

Philippe
Furrer
Voditelj
programa
“Nauči i Dijeli”




16 godina u MOK
Voditelj programa “Nauči i Dijeli”,
Gosp. Furrer ostavlja iza sebe 42 projekta mladih
ambasadora. Ovom prilikom se zahvaljujemo
Gosp. Furrerom i koristimo priliku za intervju.

Oni razumiju da trebaju investirati u trening, izgradnju, motivisanje mlade i buduće generacije lidera ali i da grade društveno odgovorne poslove.

Koja je naša ostavština i odgovornost za budućnost koje se trebamo prisjećati?

Moramo priznati i čestitati sami sebi da sve ono što smo radili. Trebamo ostati u sportu i podijeliti ono što smo stekli. Uvjeren sam da su mladi ambasadori, YCM budući lideri. Ovo ćemo sve gledati kao jedno iskustvo koje nam je otvorilo oči.

Pročitajte više na: www.excellenceacademy.ba



Excellence Academy Bosnia and Herzegovina for “Olympism in Action” Forum and YOG 2018

Sport i Kultura za UNESCO blago

U aprilu 2018. god. Akademija je organizovala konferenciju “Uspjesi mladih kao preduvjet napretka bosanskog društva”. Konferencija je održana u Muzeju, art-kući sevdaha koja je muzej tradicionalne bosanske pjesme, sevdalinke, koja je u procesu nominovanja za UNESO nematerijalno blago. Konferencija je okupila Alumnije i druge uspješne i motivisane mlade –ukupno 20 - zajedno sa uspješnim pojedincima iz poznatih bosanskohercegovačkih kompanija i NVO-a.

Dio reprezentacije BiH
u brzom klizanju



EUROPEAN
YOUTH
OLYMPIC
FESTIVAL



EYOF 2019
Sarajevo & East Sarajevo

TARIK HADŽOVIĆ (22),
RWTH Aachen, Njemačka



ILMA DEDIĆ (26),
Univerzitet u
Zenici



MILAN TODOROVIĆ (23),
Programer



SPORT, OBRAZOVANJE & MLADI

U Akademiji Izvrsnosti smo zahvalni da možemo pratiti uspjehe naših Alumnija i da možemo saradivati sa motivisanim mladima iz cijele Bosne i Hercegovine.

Kroz ulogu mladog ambasadora, osnivač Akademije Edin Branković je trenirao zajedno sa juniorskim i mladim seniorskim takmičarima. Jedan takmičar se pripremao za Evropski omladinski festival (EYOF 2019) u olimpijskom Sarajevu.

Studirajući na prestižnom master studiju u Achenu, Tarik (Alumni 2016) je podijelio sa nama značaj sporta za njega. Tarik je intenzivno trenirao odbojku a sada igra rekreativno: *“Kada pogledam u nazad, sport je odigrao ogromnu ulogu u oblikovanju mene kao osobe. Kroz sport sam naučio da budem istrajan i onda kada mi ne ide, nikakav uspjeh ne pada s neba, da nikada ne odustajem i, najbitnije, da se ne zadovoljavam prosječnošću.”*

O značaju čitanja i sportske aktivnosti, asistentica na Univerzitetu u Zenici Ilma (Alumni 2016) je podijelila sa nama da, upravo, čitanje i sportska aktivnost imaju bitnu ulogu u razvoju životnih vještina pored redovnog istraživanja naučnih oblasti: *“Posljednja knjiga koju sam pročitala i koja mi se sviđela jeste „Čast“ autorice Elif Šafak. Također pokušavam održati i fizičku aktivnost kroz zumba trening.”*

Milan (Alumni 2016) je radio za Reiffesien Bank, Microsoft, a sada radi u INTESA Bank, predsjednik je NVO Nautilus koja ima bitnu ulogu u podršci mladih koji odrastaju bez roditeljskog staranja. Milan nam je poručio: *“Kao prvo, želim da mladi postave viziju i ciljeve ispred sebe o onome ŠTA žele ostvariti na ličnom i poslovnom planu. Kada to znaju, počnu to slušati srcem, pri tome prate plan– uspjeh je zagarantovan.”*

Za doprinos uspjesima Akademije zahvaljujemo: Asmir i Maida Cetin, Andrej Galić, Emina Džafić, Ahmedina Smajlović, Eldin Hajdarević, Edin Alispahić, Maja Ivić, Muamera Tursunović, Azra Fazlić, Zerina Hubjer, Derviš Hadžimuhamedović, Marko Džoić, Samra Selimbegović, Selma Polić, Vladimir Čolaković, Haris Čorić, Davud Zukić, Vedran Drljević, Tarik Moćević, Faruk Džanko. **HVALA VAMI**

Zajedno, uglas "Stop, dvije škole pod jednim krovom!"

Iznimna nam je čast da se Asocijacija studenata Bosne i Hercegovine (ASUBiH) na čelu sa predsjednicom Valerijom Blagojević i PR-om Zerinom Hubjer odazvala pozivu Akademiju za Konferenciju 2018. Valerija i Zerina zajedno sa svojim kolegama iz Asocijacije ulažu znanje i slobodno vrijeme da se mladi Bosne i Hercegovine odupru segregaciji koja im se nameće. Zerina o tome kaže: "U protestima protiv segregacije, moglo se vidjeti koliko su mladi protiv odvajanja. Kao follow up, desila se ideja o projektu „Prijatelji bez granica“. Zasniva na razvoju kvalitetnih kompetencija i vještina srednjoškolaca kroz razmjene srednjoškolaca iz 10 lokalnih zajednica.»



Valerija Blagojević,
ASU Predsjednica

Zerina Hubjer,
PR



U 2018 ASUBiH je izgradila "Zone za Mlade" u tri grada Bosne i Hercegovine – Stolac, Trebinje and Posušje.



Mladi Ambasadori širom svijeta i pogled u budućnost

U decembru 2018. god. 38 mladih ambasadora se sastalo na poziv MOK i kompanije Panasonic u Tokiju. Razmijenili su iskustva, stekli nova saznanja i pripremali zajedno buduće projekte.

"Mladi Ambasadori – Young Change Makers nije samo program. To je pokret. Sveopća vjera ovih mladih i nadahnjujućih ljudi u snagu sporta da pokrene promjene je 'zarazna' a njihova energija, ambicija i neustrašivost se doslovno osjećala tokom ova tri dana u Tokiju. Oni su lideri današnjice, ne samo budućnosti koja je pred njima. Oni su istinski ambasadori Olimpizma u akciji tako što rade stvarne i pozitivne promjene u svojim zajednicama svaki dan."

Kate Sole, YOG PRM



UTISCI: "Iz dubine duše se nadam da će Akademija Izvrsnosti nastaviti da okuplja mlade iz BiH, uči ih zajedništvu, prijateljstvu, otkrivanju i razvoju njihovih najljepših osobina i talenata, uzajamnom poštivanju i povjerenju, kako bi njima, ali i nama svima koji volimo ovu zemlju, život bio bolji i sretniji. Mladi ste, ali veliki ljudi."

Azra Čolić, BBI Dir. Savjetnica na Alumni konferenciji (2018)



Fotografije: IOC/Panasonic, klix.ba, stipendije.ba, asubih.ba, excellenceacademy.ba



"Veoma je važno da studenti steknu teorijsko znanje koje će im služiti cijeli život. S druge strane, njima je bitno i da čuju našu životnu priču."

Rusmir Hrvić, Dir. AS GROUP (Predavač na Akademiji 2016.)

Zahvaljujemo

